

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



Not Vital e Matias Spescha a Trun
Actualmain pon ins vesair ovras dal re-lasch da Matias Spescha preschentadas ensemen cun art da Not Vital. [Pagina 3](#)



In grond cumbattant per il rumantsch vegn 80
Luzi Battaglia festivescha oz natalizi. Il re-verenda è s'engaschè fitg per il rumantsch, surtut per il sutsilvan. [Pagina 8](#)

— FMR FUNDAZIUN
| MEDIAS
RUMANTSCHAS
 südostschweiz

LECTURA RUMANTSCHA



GABRIELA RIEDI/FMR
Per la Lectura Rumantscha dad oz na dovras ti betg vatgas, sturs u bleras padellas, cuntrari als protagonists da la lectura. Ti dovras simpla-main ina pezza temp.

Almain diesch vatgas
Il venderdi cumenza il Festival Travers a Zuoz. Là vegn il toc da teater «Bab, siu archiv ed jeu» dad *Asa Hendry* a festivar premiera. Ina da las premissas per pudair raquintar quella istorgia è tenor *Asa Hendry* d'avair gia pertgirà al-main diesch vatgas. Tgisa, sche tuttas acturas ed acturs a Zuoz èn gia stads pasturs u pasturas? [Pagina 3](#)

Padellas empè da schluppet
Schegea che *Otto Quadroni* da Ftan va a chatscha e porta chamutschs sin dies, n'è betg il schluppet ses utensil, ma bain las padellas. El cuschina per ses dus cumpogns en las chamonas da chatscha a Stramaina e Chasaroulas veritabels menus da gourmet. Sia spezialitad: charn da muntanella. Fin a trais dis dovrà *Otto Quadroni* per la preparar. [Pagina 7](#)



El vesa ora sco in veritabel chatschadur, ma *Otto Quadroni* cuschina la selvaschina enstagl da schluppettar ella.

FOTO JON À PORTA

In sensori per chauns
In u l'auter chaun vegn gia ad avair urlà percurschend La Pendent a Mustér, dentant betg dal plaschair. La pli lunga punt pendent dal Grischun n'è cun ses giatter betg il funs ideal per toppas. Per che patruns da chauns na stoppian betg traversar persuls la punt, cuvra la vischnanca la punt cun ina sdrima da sturs, uschia che era Bello e Rex pon bainbaud giudair la vista da La Pendent. [Pagina 5](#)



La Pendent è in magnet per bleras visitadras e visitaders, bainbaud era per da quels sin quatter toppas.

FOTO ANDREAS CADONAU

Bun divertiment cun la Lectura Rumantscha, cun u senza schluppet!

Mustér ha per cor ils tgauns

Tenor la veglia dalla vischnaunca da Mustér publicada el Fegl uffical Surselva survegn la punt pendent in vial da stuors plazzaus sin la cuvrida actuala. In vial per ch'ils tgauns possien passar senza incaps La Pendent denter Sontga Gada e Mumpé Medel.

ANDREAS CADONAU/FMR

Na, remeduras drova la punt pendent che colligia Sontga Gada cun Mumpé Medel neginas strusch in onn suenter l'inauguraziun. Quei conferma il schef digl Uffeci da baghegiar dalla vischnaunca da Mustér, *Urban Maissen*. Tut-tina preveda la vischnaunca sco possessura dalla punt pendent ina adattaziun sco quei ch'ina damonda da baghegiar publicada il vendergis vargau el Fegl uffical Surselva tradescha. «Integraziun da stuors vid la cuvrida da La Pendent», aschia ei la damonda da construcziun for-

«Nus vulein montar ina strivla da stuors per ch'ils tgauns sappien era passar la punt.»

Urban Maissen, schef digl Uffeci da baghegiar da Mustér

mulada. Urban Maissen ha concretisau l'intervenziun da stuors planisada silla cuvrida. «Nus vulein montar ina strivla da stuors da 15 entochen 20 centimeters ladezia sin la cuvrida per ch'ils tgauns sappien era passar la punt.» Sco ei para ha ei dau reclamaziuns da possessuras e possessurs da tgauns che la cuvrida da garter seigi in problem per las toppas dils tgauns, principalmein per ils tgauns pli pigns. Grazia alla strivla da stuors stuessan ils visitaders da quater combas era saver passar la punt da 270 meters lunghezia denter Sontga Gada e Mumpé Medel. [Pagina 5](#)

«Meis cumpogns giodan meis plats. Però lavar giò es lur lezcha – e minchatant recloman els ch'eu n'ha dovrà uschè bleras padellas.»

Otto Quadroni prepara en la chamona da chatscha oramai in menu da vaglia. – Pagina 7



FOTO OTTO QUADRONI

La platta da fö e la chatscha

Per *Otto Quadroni* es la chatscha ün temp tuot particular, eir sch'el svesv nu va a chatscha. El passainta il temp in duos chamonnas in vicinanza da Ftan – e quai sco assistent da chatscha, portabutin e cuschinunz per duos amis chatschaders. Sco cuschinunz da hobi è'l bun da striunar plats da buntà, utilisond tanter oter üna platta da fö illa chamonna da chatscha Stramaina (guarda foto). Quist'eivna faran probabelmaing eir la platta e'l cuschinunz üna eivna posa, oramai chi'd es posa da chatscha. In ün'eivna sarana lura darcheu in acziun. Pro'ls trats cuntschaints dad *Otto Quadroni* toccan üna sosa da tomata speciala, cullas da Vnà sco eir ün plat deliz-chus cun charn da muntanella. El spera chi detta ingon charn da muntanella per crear ün banket in chamonna. (fmr)

[Pagina 7](#)



9 771424 749004

1 0037